

Protocol da la radunanza generala dals 5 december 2019, a las 20.30 illa chasa cumünala Misoch

Tractandas

1. salüd dal president e s-chüsas
2. tscherna scrutinadurs
3. prelecziun dal protocol da la radunanza generala 2018
4. rapport annual dal president
5. rapport da la chaschiera e dals revisurs da quint
6. rapports dal schef da cuorsa, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. infuormaziuns davart ils OJ's alpin e passlung
12. festa da giubileum 100 ons Club skiunzs Sent
13. varia

1. salüd dal president e s-chüsas

A las 20.30 po il president Christian Poo salüdar a 26 commembers (inscrits illa glista da preschentscha). S-chüsats s'han Sabine e Roland Staub Kaufmann, Men e Maja Bischoff, Chasper Valentin, Monika Roner, Lilo Mock, Chasper Buchli, Annursina Zini, Seraina e Mario Riatsch, Duri Valentin, Silvio Vital, Curdin Preuss, Madlaina Franziscus, Claudia Franziscus, Regula Felix, Niculin Felix, Evar Zanetti, Dominique Benderer, Aita Stupan, Marco Laurent, Armon Nuotclà, Rudolf Nuolf, Anna Barbla Buchli, Elisabeth Sarott, Gianna Rauch e Fluri Pinggera.

L'invid es gnü tramiss tenor statüts, uschè cha la radunanza es abla da trar decisiuns.

La radunanza s'adozza per ün minut da silenzi in memoria da Men Lansel.

2. tscherna scrutinadurs

Sco dombravuschs vegn elet Christoph Weiss.

3. prelecziun dal protocol da la radunanza generala 2018

Il protocol da la radunanza generala 2018 es gnü tramiss insembel cul invid. El vain approvà sainza cuntravuschs.

4. rapport annual dal president

Il president rapporta davart l'inviern passà. Quel resta garanti in memoria pervi da bunas relaziuns, blera puolvra ed arrandschamaints chi han gnü success. Il president ha grond gust da la numerosa partecipaziun a las differentas occurrenzas ed eir il grond sustegn sco voluntaris, quai chi generescha üna plü gronda contribuziun cumünala per societats tenor il reglamaint da cumün.

El dà ün sguard inavo a las festinas per retschaiver ad Isai Näff, champiun svizzer da passlung illa categoria U14 ed Arina Riatsch, vicechampiunessa mundiala dad alpinissem da skis illa categoria U23. Plünavant manzuna el eir ils fich buns resultats da Marina e Valeria Benderer illa disciplina biatlon.

D'inviern han gnü lö differents arrandschamaints dal club, la sairada da tschoccas a Sur-En, la gita sü Niruns, darcheu üna joslada oura Vastur, duos gitas da skis e natüralmaing las cuorsas dal club. Plünavant ha il club sustgnü pro differents arrandschamaints, pro'l Passlung Martina – Scuol e pro las cuorsas da la coppa BEST, la coppa mundiala dad ir cull'assa, sco eir la concorrenza dad alpinissem da skis Ftan – Schlivera e las maestranza svizras da magisters da skis Snow-happening. La collavuraziun culs clubs da Scuol e Ftan ha funcziunà fich bain.

Dürant quist on ha il president eir tut part a la radunanza da l'Associaziun grischuna da skis e da la società da promoziun da sport d'inviern RPN. Plünavant ha il comité gnü plüssas sezzüdas per organisar la festa da 100 ons CS Sent ed ün inscunter pervi d'ün'iniziativa da singulas personas per fuondar ün nouv club da skis per giuvenils.

El ingrazcha fich a differentas personas: als collegas da suprastanza, als tempaders sco eir a tuot ils agüdents e sponsurs da premis chi'ns sustegnan adüna darcheu pro evenimaints.

El as giavüscha chi detta darcheu ün inviern cun blera naiv e spera natüralmaing eir chi nu capitan ningüns accidaints.

5. rapport da la chaschiera e dals revisurs da quint

Quist on serrà giò il quint cun ün guadogn da CHF 2'327.70. Il chapital agen importa uossa CHF 25'092.13. Quist guadogn es fich allegraivel. El es eir d'attribuir a damain sortidas pel Cuvel da l'iva, ingio chi sun fattas uossa bod tuot las lavurs. Il guadogn es eir uschè ot causa la contribuziun dal cumün CHF 1'500.-.

Ün ingrazchamaint special va als sponsurs chi contribuiscan minch'on vi da premis per las cuorsas, a la butia da Plaz, al Sport Champatsch ed a la Chamonna Naluns.

Ils revisurs da quint Duri Valentin e Chasper Buchli han revais il quint. Quel vain fat bun cun dar dis-charg als organs respunsabels.

In quist'occasiun vain darcheu decis cha la suprastanza possa disponer d'ün import da 1000 CHF chi sta illa cumpetenzza da decider dal comité sves.

A la chaschiera pertocca ün ingraziamaint special per tuot sia lavur instancabla.

6. rapports dal schef da cuorsa, schef da turas, delegià Traversada e Stafetta tras Sent

Il schef da cuorsa Jon Buchli rapporta a regard las cuorsas dal club. Il passlung da not ha gnü lö a Scuol, las cuorsas alpinas sülla Motta. I s'han partecipadas 19 personas al passlung, 25 al slalom e 31 al slalom gigantesc. 8 famiglias han fat part a la cumbinaziun. Eir schi'd es flot chi s'ha adüna darcheu annunzchas spontanas, giavüscha il schef da cuorsa chi gniss annunzchà per temp per chi possan eir gnir organisats ils premis e nu s'haja d'improvisar massa bler. Quist on daja alch oter invezza da las cuorsas, daplü as vegna a savair illa tractanda da giubileum. Plünavant ingrazcha el pel sustegn chi s'ha per organisar quistas cuorsas.

Il schef da turas, Andri Poo po comunichar chi s'haja pudü far dürant l'inviern passà duos turas: üna als 2 marz sü'l Piz Arina e fich allegraivel üna da duos dis illa Chamonna Jamtal.. Quist inviern esa darcheu previs da far duos gitas, tenor relaziuns üna cun pernottar. Las datas provisoricas sun publichadas sü'l plan da l'on. In cas da spostamaints gnissan quels publichats illa chaistina chi's rechatta dadaint l'entrada dal Sport Champatsch.

Cla Rauch dà las orientaziuns davart la Traversada. La 17avla Traversada ha funcziunà bain cun 82 personas chi s'han partecipadas. Adonta da la reducziun da plazzas illa Sesvenna han tuots chattà ün let. In avegnir gnaran trats ils fils d'ün nouv comité marcantamaing plü giuven e feminin. Ün special ingraziamaint pertocca a la famiglia Vital chi pissera pel bainstar da tuot ils participants aint in Chavriz Grond. Dal 2020 ha lö darcheu la traversada dal Vnuost.

Nataglia Roner rapporta davart la 36avla Stafetta tras Sent. Quella ha funcziunà fich bain, eir causa il sustegn da Tina Weiss e Christian Poo cul team da l'ustaria. La varianta da far tragets plü cuorts s'ha verifichada. I's partecipeschan darcheu daplüssas personas a la stafetta. La stafetta funcziuna sainza massa gronds statüts e sch'üna jada daja üna gruppa sainza duonna es quai per tuots in uorden.

7. mutaziuns ed onurificaziuns

Sco novs commembers vegnan bivgnantadas las seguaintas personas: Simon Studer, Noe Näff, Annursina Zini, Madlaina Franziscus, Schimun Grass, Fabrizia Grass, Andrea Hauser e Marco Scandella,

Sortits da la società sun: Marco Zini, Jachen Andri Schmidt, Heidi Laurent, Urezza Felix, Filipe Machado e Sousa ed Artur Noggler. Men Linsel ans ha displaschaivelmaing bandunà per adüna.

Ils seguaints commembers dvaintan commembers libers causa chi sun fingià daspö 40 ons commembers dal Club skiunzs Sent: Not Clalüna, Dumeng Jann, Andri Linsel, Not Pult, Hanin Salomon e Cla Sarott.

Daspö 25 ons e veteran dvainta Rudolf Nuolf.

8. tschernas

Tenor statüts ston gnir reelets d'ürant ils ons dispêrs l'actuar e'l schef da cuorsa. Quels as mettan darcheu a disposiziun e vegnan reelets cun applaus.

Uschè as cumpuona il comité inavant seguaintamaing:

president:	Christian Poo
actuar:	Mario Rauch
chaschiera:	Martina Weiss
schef da cuorsa:	Jon Buchli
schef da turas:	Andri Poo

revisurs da quint: Duri Valentin e Chasper Buchli

9. fixar contribuziun annuala

La contribuziun annuala vain fixada sün 25.- fr. per personas sainza commembranza da Swiss-Ski. Ils commembers cun commembranza da Swiss-Ski pajan 50.- fr.

10. program da l'on

Il program da l'on es gnü protramiss e vain preschantà dal president. Special es la situaziun chi ha lö als 25 schner 2020 ün'occurrentza da giubileum invezza da las cuorsas dal club. Da stà varà lö l'arrandschamaint sül Cuvel da l'Iva chi nun ha gnü lö quist on.

11. infuormaziuns davart ils OJ's alpin e passlung

Üna gruppa da genituors dad oters clubs vaivan fat la proposta da sustgnair daplü ad atlets e fat la proposta da fuondar ün nouv club per giuvenils. Il comité nun es stat d'accord cun quist agir ed ha proponü da far üna sezzüda in chosa. Quista gruppa vess uossa gnü da preschantar üna nouva proposta chi's vess pudü suottametter a la radunanza. Quai nun es però gnü fat, uschè chi nu dà pel mumaint ningüns müdamaints. Davart da la radunanza vain sustgnü l'agir dal comité.

12. festa da giubileum 100 ons Club Skiunzs Sent

In schner 2020 cumplischa nos club 100 ons. Bod sülla data precisa esa gnü decis dad organisar ün arrandschamaint special. Il comité ha fingià preparà tschertas ideas e survain il sustegn da Cla Sarott (sustegn cul program, texts) e Cla Rauch (metter in net texts da Cla Sarott) per quist arrandschamaint. Detagls seguan plü tard. A la radunanza vain tradi il seguaint:

- a bunura: gita sül Cuvel da l'Iva
- davomezdi stafetta da divertimaint
- tschaina per commembers dal Club skiunzs Sent

- saira: sairada cun trategnimaint e musica, publica per minchün

Il president preschainta il büdschet pella festa. Quel prevezza sortidas da ca. CHF 6000. Da quels füssan la contribuziun implü da CHF 2'000 cha'l cumün metta a disposiziun per giubileums da 100 ons e la chascha dal Super G Champatsch cun ün import da ca. CHF 1300.- chi dess gnir scholta cun quai cha quista cuorsa nu vain plü realisada daspö ons. La chascha vain surdatta tenor curvegna al Club skiunzs Sent. Ushè daja cuosts restants da ca. CHF 2'700 our da la chascha dal club. La radunanza accepta quist büdschet e sustegna plainamaing da realisar quista festa.

Andri Poo preschainta ün talun d'annunzcha chi dess gnir impli oura fin il plü tard als 5 schner 2020.

13. varia

Ils manaders da l'OJ Marlies Zimmermann (alpin), Buolf Näff ed Armon Nuotclà (nordic) survegnan ün pitschen regalin per lur ingaschamaint pel sport da giuvenils sco manaders da l'OJ.

Corina Caviezel ingrazia fich a la suprastanza per tuot quai chi vain organisà il prossem inviern.

A las 21.55 serra il president la radunanza ed ingrazcha a la chaschiera pella marendina e l'ustaria ch'ella ha preparà. Davo la radunanza vegnan muossadas amo ün pêr fotografias dad arrandschamaints da l'on scuors.

L'actuar

Mario Rauch